

REPUBLIKA E KOSOVËS - REPUBLIKA KOSOVA - REPUBLIC OF KOSOVO QEVERIA E KOSOVËS - VLADA KOSOVA - GOVERNMENT OF KOSOVO MINISTERIA E BUJQËSISË, PYLLTARISË DHE ZHVILLIMIT RURAL MINISTARSTVO POLJOPRIVREDE, ŠUMARSTVA I RURALNOG RAZVOJA MINISTRY OF AGRICULTURE, FORESTRY AND RURAL DEVELOPMENT AGENCIJA PËR ZHVILLIMIN E BUJQËSISË - AGENCIA ZA RAZVOJ POLJOPRIVREDE			
Nr. lista Org.	07/4	Nr. Prot.	479
Org. India.		Nr. Prot.	
Org. Unit.		Fiel. No.	
Nr. i faqëve	8	Data	15.03.2016
Drej. Stranica		Data	
No. pages:		Date	
PRISHTINE/A			



Republika e Kosovës
Republika Kosovo - Republic of Kosovo
Qeveria - Vlada - Government

Ministria e Bujqësisë, Pylltarisë dhe Zhvillimit Rural
 Ministarstvo Poljoprivrede, Šumarstva i Ruralnog Razvoja
 Ministry of Agriculture, Forestry and Rural Development

*Agjencia për Zhvillimin e Bujqësisë / Agencija za Razvoj Poloprivrede /
 Agriculture Development Agency*

THIRRJE PËR APLIKIM
PËR FERMERËT DHE EKONOMITË BUJQËSORE TË REPUBLIKËS SË
KOSOVËS

PËR PËRFITIM NË KUADËR TË IMPLEMENTIMIT TË “PLANIT PËR BUJQËSI
DHE ZHVILLIM RURAL 2014-2020”, MBËSHTETJE PËR INVESTIME NË MASËN
103 „INVESTIMET NË ASETET FIZIKE NË PËRPUNIMIN DHE TREGTIMIN E
PRODUKTEVE BUJQËSORE“-2016

Qëllimi i thirrjes për aplikim

Qëllimi i thirrjes për aplikim është dhënia e mbështetjes financiare/granteve për investime në ferma në kuadër të masës 103 “Investimet në asetet fizike në përpunimin dhe tregtimin e prodhimeve bujqësore,, për vitin 2016 (sektorin e përpunimit të qumështit, mishit dhe sektori i përpunimit të pemëve dhe perimeve, duke përfshirë edhe prodhimin e verës).

Shtrirja gjeografike:

Tërë territori i Republikës së Kosovës

1. Aplikuesit e mundshëm

Aplikues mund të jenë ndërmarrjet e përpunimit të qumështit, të mishit, të pemëve dhe të perimeve, si dhe prodhuesit e verës, të regjistruara në Agjencinë për Regjistrimin e Bizneseve të Kosovës, me përvojë së paku dy vite në nënsektorin përkatës. Përfitues mund të jenë edhe ndërmarrjet e përpunimit të bimëve aromatike / mjekuese dhe të kërpudhave, me kusht që së paku 50% e lëndës së parë që e përpunojnë të jenë fruta malore, pemë dhe/apo perime. Në nënsektorin e verës, aplikuesit duhet të jenë të regjistruar në Regjistrin e Prodhuesve të Verës në Kosovë. Përfituesit përfundimtarë duhet të jenë të regjistruar në Regjistrin e Fermës.

2. Përpunimi i qumështit

2.1 Investimet e pranueshme për sektorin e përpunimit të qumështit

- Investimet në rinovim / zgjerim dhe modernizim të qumështoreve;
- Investimet në ndërtim të qumështoreve të reja të cilat në kohën e aplikimit janë në kategorinë "C" ose "D";
- Investimet në pajisje për përmirësimin e higjienës, si dhe cilësisë dhe sigurisë së prodhimeve (sidomos për të arritur standardet HACCP dhe / ose ISO 22000);
- Investimet në pajisje për përmirësimin e mbrojtjes së mjedisit, sidomos për menaxhimin e mbetjeve; dhe trajtimin e ujit;
- Investimet në ndërtimin dhe pajisjen e pikave grumbulluese të qumështit;
- Investimet në mjete transportuese të specializuara;
- Investimet në pajisje për prodhime të reja dhe paketime moderne;
- Pajisje të IT-së, harduer dhe softuer për monitorim, kontroll dhe menaxhim;
- Investimet në teknologji për prodhimin e energjisë së ripërtërishme;
- Investimi në pajisje për ftohje;

3. Përpunimi i mishit

3.1. Investimet e pranueshme për sektorin e përpunimit të mishit

3.1.1 Thertoret:

- Investimet në rinovim / zgjerim dhe modernizim të thertoreve, përfshirë depot ftohëse;
- Investimet në ndërtim të thertoreve të reja të cilat në kohën e aplikimit janë në kategorinë "C" ose "D";
- Investimet në pajisje për përmirësimin e higjienës, si dhe cilësisë dhe sigurisë së prodhimeve (sidomos për të arritur standardet HACCP dhe/ose ISO 22000);

- Investimet në pajisje për përmirësimin e mbrojtjes së mjedisit, sidomos për menaxhimin e mbetjeve dhe trajtimin e ujit;
- Pajisje për rjepje dhe përgatitje (rexhje) të lëkurave;
- Pajisje për thertore, duke përfshirë pajisje për ftohje;
- Kamionë special për bartjen e kafshëve të gjalla që i plotësojnë kërkesat për mirëqenien e kafshëve;
- Stalla për vendosjen e kafshëve para therjes;
- Kamionë frigorifer për bartjen e mishit;
- Makina, pajisje dhe depo për trajtim të mbetjeve dhe nënprodukteve;
- Pajisje të IT-së, harduer dhe softuer për monitorim, kontroll dhe menaxhim;
- Investimet në teknologji për prodhimin e energjisë së ripërtërishme;

3.1.2 Njësitë për përpunimin e mishit:

- Investimet në rinovim / zgjerim dhe modernizim të objekteve ekzistuese, përfshirë depot ftohëse bashkë me pajisje;
- Investimet në ndërtim të objekteve të reja për përpunim për ndërmarrjet të cilat në kohën e aplikimit janë në kategorinë "C" ose "D";
- Investimet në pajisje për përpunim të mishit;
- Investimet në pajisje për përmirësimin e higjienës, si dhe cilësisë dhe sigurisë së prodhimeve (sidomos për të arritur standardet HACCP dhe/ose ISO 22000);
- Investimet në pajisje për përmirësimin e mbrojtjes së mjedisit, sidomos për menaxhimin e mbetjeve dhe trajtimin e ujit;
- Investimet për pajisje për kontroll të cilësisë, përfshirë laboratorët përkatës;
- Investimet për pajisje për ftohje dhe ngrirje për ruajtjen e prodhimeve të gatshme;
- Automjete të specializuara për bartjen e lëndës së parë dhe prodhimeve të gatshme;
- Investimet në teknologji për prodhimin e energjisë së ripërtërishme.

4. Përpunimi i pemëve dhe perimeve, duke përfshirë edhe prodhimin e verës

4.1. Investimet e pranueshme

- Investimet në ndërtim / rinovim dhe modernizim të objekteve për përpunim;
- Investimet në linja për konservim / pasterizim të pemëve dhe perimeve;
- Investimet në pajisje për përmirësimin e higjienës, si dhe cilësisë dhe sigurisë së prodhimeve (sidomos për të arritur standardet HACCP dhe/ose ISO 22000);
- Investimet në objekte dhe pajisje për trajtim pas vjeljes, për tharje, për klasifikim dhe për deponim;
- Investimet në pajisje për paketim, për etiketim, përfshirë linjat e mbushjes, mbështjellësit dhe pajisje të tjera të specializuara;

- Investimet në teknologji për prodhimin e energjisë së ripërtërishme;
- Investimet në pajisje për zinxhirin ftohës, duke përfshirë depo për ftohje dhe ngrirje, tunele të ngrirjes, mjete transportuese me frigorifer dhe pajisje të tjera të nevojshme për të siguruar vazhdimësinë në zinxhirin e ftohjes;
- Investimet në pajisje për përmirësimin e mbrojtjes së mjedisit, sidomos për menaxhimin e mbetjeve dhe trajtimin e ujit;
- Investimet për pajisje për kontroll të cilësisë, përfshirë laboratorët përkatës;
- Automjete të specializuara për bartjen e lëndës së parë dhe prodhimeve të gatshme, me ftohje dhe pa ftohje;
- Pajisje të IT-së, harduer dhe softuer për monitorim, kontroll dhe menaxhim.

4.1.2 Investimet e pranueshme për nënmasën e prodhimit të verës

- Ndërtimi / rinovimi / zgjerimi i objekteve për prodhimin dhe përpunimin e verës;
- Investimet në pajisje për përpunimin e verës;
- Investimet në pajisje për përmirësimin e higjienës, si dhe cilësisë dhe sigurisë së prodhimeve (sidomos për të arritur standardet HACCP dhe/ose ISO 22000);
- Investimet në pajisje për paketim, për etiketim, përfshirë linjat e mbushjes, mbështjellësit dhe pajisje të tjera të specializuara;
- Investimet në teknologji për prodhimin e energjisë së ripërtërishme;
- Investimet për pajisje për kontroll të cilësisë, përfshirë laboratorët përkatës;
- Pajisje të IT-së, harduer dhe softuer për monitorim, kontroll dhe menaxhim.

5. Kriteret e përbashkëta të pranueshmërisë

5.1.Llojet e ndërmarrjeve të përkrahura

Mund të përkrahen ndërmarrjet mikro - të vogla dhe të mesme, të përcaktuara në bazë të Ligjit Nr. 03/L-031 për Ndryshimin dhe Plotësimin e Ligjit Nr. 02/L-5 për Mbështetjen e Ndërmarrjeve të Vogla dhe të Mesme. Kategoria e ndërmarrjeve mikro - të vogla dhe të mesme është e përbërë prej ndërmarrjeve që punësojnë më pak se 250 persona dhe që kanë një qarkullim vjetor që nuk i kalon 50 milionë €, dhe /ose bilanc të gjendjes në total që nuk i kalon 43 milionë € dhe duhet të jetë e regjistruar sipas legjislacionit përkatës si ndërmarrje për përpunimin e ushqimit.

5.2 Kriteret e tjera të pranueshme për aplikuesit

Në rastin e projekteve të ndërtimit / rinovimit / zgjerimit, aplikuesit me rastin e aplikimit duhet t'i dorëzojnë:

- Kopjet e skicave të objektit dhe një parallogaritje të shpenzimeve të materialit dhe punëve të parapara;
- Kopjen e planit të parcelës ku do të bëhet investimi;
- Fletën poseduese për parcelën ku do të bëhet investimi;
- Pëlqimin nga organi kompetent (Komuna) për leje të ndërtimit, në rastet e projekteve të ndërtimit / zgjerimit, por jo në rastet e projekteve të rinovimit;
- Përfituesit nuk mund t'i jepet një projekt i ri nëse projektet e mëparshme nuk janë përfunduar në përputhje me kontratën e nënshkruar me AZHB.

6. Kriteret specifike të pranueshmërisë

6.1. Sektorët e përpunimit të qumështit dhe të mishit

Të drejtë aplikimi kanë ndërmarrjet të cilat kanë zhvilluar aktivitetin e tyre në sektorin përkatës për së paku 2 vjet para datës së aplikimit dhe janë të regjistruara në Agjencinë për Regjistrimin e Bizneseve të Kosovës dhe në Agjencinë e Ushqimit dhe Veterinarisë, sipas kategorizimit të ndërmarrjeve për përpunim të ushqimit.

- Kategoria "A" = shkallë e vogël e rrezikut
- Kategoria "B" = shkallë e mesme e rrezikut
- Kategoria "C" = shkallë e lartë e rrezikut dhe
- Kategoria "D" = shkallë shumë e lartë e rrezikut

Aplikuesit e kategorisë "A dhe B" nuk janë të pranueshem në rast të ndërtimit dhe zgjerimit të objekteve.

Aplikuesit e kategorisë "C" janë të pranueshëm për ndërtim dhe / ose rinovim. Në rast të rinovimit, përfituesit e kategorisë "C" nuk janë të obliguar që ta mbyllin objektin ekzistues.

Aplikuesit e Kategorisë "D" janë të pranueshëm vetëm në rast të ndërtimit për shkak të mbylljes së objektit ekzistues. Këta aplikues nuk kanë të drejtë në investime të tjera pa e përmbushur këtë kusht.

6.2. Sektorët e përpunimit të pemëve dhe të perimeve

Të drejtë aplikimi kanë ndërmarrjet të cilat kanë zhvilluar aktivitetin e tyre në sektorin përkatës për së paku 2 vjet para datës së aplikimit dhe janë të regjistruara në Agjencinë për Regjistrimin e Bizneseve të Kosovës.

Në rast të investimit në qendrat grumbulluese dhe paketuese, kapaciteti minimal i ruajtjes duhet të jetë së paku 1000 m³ të prodhimit.

6.3. Sektori i prodhimit të verës

Të drejtë aplikimi kanë ndërmarrjet e regjistruara në Regjistrin e Prodhuesve të Verës. Të drejtë aplikimi kanë prodhuesit e verës, që së paku 50% të lëndës së parë (rrushit) e sigurojnë nga prodhuesit e tjerë (jo prodhim vetanak). Ky kriter nuk vlen për prodhuesit e verës që kanë në pronësi mbi 50 ha me vreshta. Aplikuesit duhet të dëshmojnë se e kanë deklaruar prodhimin vjetor të verës dhe të stoqeve të ngelura.

7. Shpenzimet e pranueshme

Investimet e pranueshme janë:

- Ndërtimi / rinovimi / zgjerimi i objekteve;
- Blerja e makinerive dhe pajisjeve të reja, duke përfshirë programe kompjuterike të nevojshme për funksionimin e linjave të prodhimit apo funksioneve të tjera primare që ndërlidhen me aktivitetet kryesore të ndërmarrjes;
- Të pranueshme janë investimet në nënsektorët e përpunimit të qumështit, të mishit, të pemëve dhe të perimeve, si dhe prodhimit të verës, përfshirë edhe shpenzimet e marketingut për promovimin e tyre;
- Shpenzimet e pranueshme të marketingut për të gjitha nënmasat e Masës 103 janë: përgatitja dhe shtypja e katalogëve, fletëpalosjeve, broshurave, posterëve, etj., për promovim të produkteve, por jo edhe për shpërndarje të tyre. Po ashtu, shpenzime të pranueshme të marketingut janë edhe prodhimi i audio dhe video-spotëve promovuese, por jo edhe shpërndarja e tyre mediale;
- Vlera maksimale e shpenzimeve të pranueshme për marketing është e kufizuar në 5% të totalit të ishpenzimeve të pranueshme;
- Shpenzimet e tjera të nderlidhura me projektin, siç janë: shpenzimet për arkitekt, për inxhinier dhe shpenzimet për studime parapake, si dhe nxjerrja e dokumenteve dhe lejeve relevante janë të pranueshme deri në 7% të shpenzimeve të pranueshme, por jo më shumë se 20,000 €, kurse shpenzimet për përgatitjen e planit të biznesit janë të pranueshme deri në 3% të shpenzimeve të pranueshme për projekt, por jo më shumë se 5,000 €;
- Shpenzimet administrative, edhe pse ndodhin para nënshkrimit të kontratës, janë të pranueshme vetëm në qoftë se projekti është përzgjedhur dhe është kontraktuar nga Agjencia për Zhvillimin e Bujqësisë.

8. Vlera e projekteve dhe intensiteti i përkrahjes

- Vlera minimale e shpenzimeve të pranueshme për projekt brenda kësaj mase është 30,000 €;
- Vlera maksimale e shpenzimeve të pranueshme për projekt brenda kësaj mase është 400,000 €;
- Përkrahja publike është 50% e shpenzimeve të pranueshme të investimit;
- Për investimet në trajtimin e mbetjeve rritet intensiteti i përkrahjes publike për 10% - vetëm për pjesën e investimit për këtë qëllim përkrahja publike është 60%.

9. Koha dhe mënyra e pranimit të aplikacioneve

Data e fillimit të dorëzimit të formularit për aplikim është dita e publikuar e thirrjes për aplikim

Thirrja për aplikim do të jetë nga 15.03.2016 deri më 25.04.2016.

Aplikimi bëhet në zyrën Rajonale të Agjencisë për Zhvillimin e Bujqësisë në: Prishtinë, Mitrovicë, Pejë, Gjakovë, Prizren, Ferizaj dhe Gjiilan, çdo ditë pune nga ora 8:30-16:00.

Vërejtje: Aplikacioni duhet të përmbajë të gjitha dokumentet e kërkuara dhe të dorëzohet në afatin për aplikim. Dosja e aplikacionit dorëzohet në dy kopje fizike dhe të gjitha dokumentet e dosjes fizike skanohen dhe ruhen në një CD e cila dorëzohet bashkë me kopjet fizike. Këshillohen aplikuesit që një kopje të dosjes ta ruajnë për nevoja të veta.10. dokumentacioni i nevojshë

Për të aplikuar në Masën 103 në sektorët përkatës, dokumentet e nevojshme mund t'i gjeni në udhëzuesit për aplikues, në ueb faqen e AZHB-së (www.azhb-ks.net) dhe në zyrat rajonale përkatëse.

Për informata më të hollësishme vizitoni uebfaqet: www.mbpzhr-ks.net, www.azhb-ks.net, si dhe udhëzuesin për aplikues.

11. Kontaktet dhe pikat (vendet) informuese lidhur me aplikimin

AZHB /MBPZHR

Adresa: (Ndërtesa ish Banka e Lublanës) Prishtinë

Nga e hëna deri të premten: nga ora 10:00 - 12:00 dhe nga ora 13:00-15:00 tel 038/211-967 ose 038/212-647

Çdo ditë pune nga ora 08:30-16:00

Nr.	Rajoni	Adresat	Telefoni	E-maili
1	Prishtinë	ZONA INDRUSTIALE Fushë Kosovë, përballë Maxi-Marketit,	038 601 169	
2	Mitrovicë	"Mbrtëresha Teutë" pa nr.	028 522 501	
3	Pejë	Instituti Bujqësor "Fidanishtja"	039 431 276	
4	Gjakovë	"Marin Barleti" nr. 2, kati III.	0390 320 992	
5	Prizren	"Avni Rrustemi" 159	029 244 793	
6	Ferizaj	"Dëshmorët e kombit" pa nr.	0290 324 661	
7	Gjilan	Rr: Bulevardi i Pavarësisë (Rr. e Ferizajt) (Soliteri, kati I)	0280 326 106	